

Lingala - Mikanda ya Nzambe - Comfort Scriptures

2 Korente 1:1-4 Mbote na bino, bandeko ya Eklezya ya Nzambe oyo ezali na Korente, pe na bakristo nyonso ya mboka Grese. Ngai Polo, ntoma ya Yezu Kristo,-nakómá ntoma kaka po Nzambe akanaki bongo -; ngai ná ndeko Timoté totindeli bino mokanda oyo. Bózwa bolamu pe boboto oyo euti na Nzambe Tata na biso pe Nkolo Yezu Kristo. 3 Mersi na Nzambe, Tata ya Nkolo na biso Yezu Kristo. Azali Tata, alingaka biso pe alongolaka biso mawa nyonso. 4 Tango nyonso oyo nayokaka pasi alongolaka ngai mawa, po ngai pe nákoka kosala lokola ye, nálongola mawa ya bato nyonso oyo bazali na pasi.

Banzembo 25:16,17 Nkolo, baluka epai na ngai, yokela ngai mawa; pamba té nazali moto ya mawa pe natikali ngai moko. 17 Kitisa ngai motema; longola ngai makanisi oyo nazali na yango.

Banzembo 32:7 Yo, Nkolo, ozali esika nakoki kobombama; obatelaka ngai na tango ya pasi. Nakoganga na esengo; po obikisaka ngai tango nyonso.

Banzembo 34:18 Nkolo, azalaka baoyo bobelelaka ye; alongolaka bango bapasi nyonso.

Banzembo 38:8 Pasi ezali kozikisa ngai libumu; esika moko té etikali malamu na nzoto na ngai.

Banzembo 40:3 Alongoli ngai na libulu ya potopoto ya modindo; atelemisi ngai malamu na likolo ya libanga.

Banzembo 42:11 Bango bazali kolembisa ngai nzoto na kofinga; tango nyonso bazali kotuna ngai: "Nzambe na yo azali wapi?"

Banzembo 50:15 Bongo na tongo ya pasi bokokoka kobelelangai; ngai nakobikisa bino, pe bino bokokumisa ngai."

Banzembo 55:4 Nabangi maloba ya banguna pe mitungisi ya bato mabe; bazali konyokola ngai pe komonisa ngai pasi na nko.

Banzembo 61:1-3 O Nzambe, yoka kolela na ngai; tai matoi na mabondeli na ngai; 3 Nalembi nzoto, nzali kobelela yo; ata nazali mosika, na suka ya mokili. Mama ngai tii na mabanga kuna na ngomba, esika oyo nakoki kokóma té.

Banzembo 62:8 Nakobika pe nakozwa lokumu bobele epai ya Nzambe; ye azali esika oyo nakoki kobombana.

Banzembo 73:26 O Nzambe, nzoto na ngai pe motema na ngai elembi; kasi yo ozali makasi na ngai pe bomengo ya libela.

Banzembo 77:1-3 Nazali kobelela Nzambe pe koganga; nazali kobelela Nzambe po áyokela ngai. 3 Na tango ya mawa nalukaka ye, butu mobimba natombolaka maboko epai na ye; naboyaka bákitisa ngai motema.

Banzembo 85:6 Okosilikela biso tango nyonso? kanda na yo ekoumela libela?

Banzembo 86:11 Nkolo, bongisa motema na ngai po nátosaka yo; lakisa ngai nzela na yo, nátambolaka ndenge yo olingi.

Banzembo 109:22 Nazali moto ya mawa pe ya pasi; nazoki na se ya motema.

Banzembo 112:7,8 Abangaka sango ya mabe té; na moko, ataika elikya na

Nkolo. 8 Azalaka motema pio, alengaka té; aybei 'tè banguna na ye bakokweya.

Banzembo 119:111 Maloba na yo ezali bomengo na ngai ya seko; esepelisaka tango nyonso kolanda mibeko na yo; yango ezali lifuta na ngai ya libela.

Banzembo 128:2 Okobikela na misala na yo; okozwa esengo pe bomengo.

Banzembo 138:7 Soki nazali na pasi, obatelaka ngai po nakufa té. Soki banguna na ngai batomboki, onyataka bango, pe olongisaka ngai na nguya na yo.

Banzembo 143:4 Makasi na ngai nyonso esili; motema na ngai elembi penza.

Banzembo 147:3 Abikisaka bato oyo balembi; akangaka bapota na bango.

Joane 14:1 Yezu abakisi alobi: "Bozala mitema likolo té. Bóndima Nzambe, bóndima pe ngai.

Joane 14:27 "Natikeli bino boboto; ngai moko nakobanda kobatela bino po bozala na boboto. Boboto yango ekozala té lokola oyo makambo ya mokili ememelaka bato. Bozala mitema likolo té, pe bóbanga té.

Joane 16:6 Awa nayebisi bino yango, bobandi kutu koyoka mawa na mitema.

Joane 16:20,22 Nazali koloba na bino, ya solo: bino bokolela pe bokozala na mawa, kasi bato ya mokili bakosepela. Bokozala na mawa, kasi mawa na bino ekobongwana esengo. 22 Bino pe ndenge moko; sik'oyo bozali na mawa, kasi nakoya kotala bino lisusu, pe mitema na bino ekotonda na esengo; ata moto moko té akokoka kolongola bino yango.

Misala 2:46 Mikolo nyonso bazalaki kosangana na Ndako ya Nzambe, pe kolia esika moko na bandako na bango, na esengo pe na boboto.

Rome 9:1/2 Makambo nazali kokóma sik'oyo ezali koyokisa ngai motema pasi mingi penza; Kristo ayebi 'tè ezali ya solo, nazali kobuka lokuta té. Nazali koyebisa bino yango na motema moko, ndenge Molimo Mosantu azali kolakisa ngai yango. Ya solo, natondi penza na mawa,

2 Korente 2:4 Ya solo, tango nakómelaki bino mokanda yango, nazalaki kolela mingi, pe motema na ngai etondaki na pasi pe mawa. Nakómaki yango po na kozokisa bino na mitema té, kasi po bóyeba 'tè nalingi bino mingi koleka.

Efeze 5:19 Bósanganaka po na koyemba; bótumba banzembo ndenge na ndenge oyo Molimo alakisaka; bókumisa Nkolo.

Filipi 4:4 Bózalaka tango nyonso na esengo, na lisanga na Nkolo Yezu! Nalobi lisusu: bózalaka na esengo.

Jake 5:13 Soki moto moko na kati na bino azali na mawa, ásambela. Soki azali na esengo, áyembela Nzambe.